



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Eyn kurtzer außzug/ auß dem Bebstlichen rechten der  
Decret vnd Decretalen/ Jn den artickeln/ die vngeuerlich  
Gottes wort vn[d] Eua[n]gelio gemeß sein/ oder zum  
wenigsten nicht widerstreben**

**Spengler, Lazarus**

**[Nürnberg], 1530**

**VD16 S 8234**

Distinctio. viii.

**urn:nbn:de:hbz:466:1-33264**

# Ex Decretis.

Distinccio. viij.

**D**as ein böse gewonheit/oder böser strefflicher  
gebrauch/von grunde solle aufgerichtet werde.

Das alle gewonheit vnd gepreuch/der warheyt  
entweychen vnd stat thun sollen/die seyen wie alt ge  
preuchlich vnd gemeyn sie ymer wöllen/dan Chri  
stus hat im Euangelio gesagt/Ich bin die warheyt  
vnd nit ich bin die gewonheit/Vnd darumb/wer  
sich vns etliche/die mit vernünfftigē warhafften  
sachen überwunden werden (spricht Augustinus)  
ganz vnbillich vnd vergebenlich für/ als ob die ge  
wonheit grösser vnd mer dann die warheyt sey/  
Oder als sey in den geystlichen dingen/nicht vil billi  
cher dem zūolgen/das für das best von dem heyl  
gen geyst ist geoffenwart.

Dieweyl/Christus allein zūhörn ist/so sollen wir  
nit auffmerckung haben/was ein ander vor vns zu  
thun vñ anzunemen für gut angesehen vnd beuolhen  
hat/sunder was der/der vor allenn ist Christus/an  
fenclich gethan hat/dan sich gezimbt nit/menschli  
cher gewöheyt/sunder götlicher warheit nachzūol  
gen/Dieweyl got durch den prophetē/Esaiam rede  
vnd sagt/Vergebenlich dienen sie mir/dieweyl sie les  
ren solche lere die nichts dann menschen gepot sein.

**B**

Nicolaus papa  
Mala.

Augustinus  
Veritate manifes  
tata.  
Gregorius.  
Si consuetudinē  
Augustinus  
Qui cōtemptra  
Idem  
Frustra

Cyprianus.  
Sisolus.